



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E
TË DHËNAVE PERSONALE
DREJTORIA E PËRGJITHSHME PËR MBROJTJEN E TË DHËNAVE PERSONALE
DREJTORIA E ANKESAVE DHE HARMONIZIMIT

Nr. 2409/1 prot.

Tiranë më 27.10.2025

V E N D I M

Nr. 35, datë 27.10.2025

PËR LEJIMIN E TRANSFERIMIT NDËRKOMBËTAR

Në mbështetje të nenit 41 dhe gurmës “gj”, të pikës 1 të nenit 82 të ligjit nr. 124/2024 “Për mbrojtjen e të dhënave personale”, pas shqyrtimit të kërkesës administruar me nr. 2409 prot., datë 24.09.2025, për pajisje me autorizim për transferimin ndërkombëtar të të dhënave personale transferuesi “*Tirana Bank SHA*”, tek marrësi “*KnowBe4 Inc*” i vendosur në Shtetet e Bashkuara të Amerikës (në vijim, “*SHBA*”).

KONSTATOVA SE:

Subjekti kontrollues “*Tirana Bank SHA*” ka kërkuar nga Komisioneri për të Drejtën e Informimit dhe Mbrojtjen e të Dhënave Personale (në vijim, “*Komisioneri*”), pajisjen me autorizim për transferimin e të dhënave personale tek marrësi “*KnowBe4 Inc*”, i vendosur në SHBA.

Sipas deklarimeve të subjektit në Formularin e Aplikimit, për aprovimin e transferimit të të dhënave personale në një shtet që nuk ka nivel të mjaftueshëm të mbrojtjes së të dhënave, administruar pranë Zyrës së Komisionerit, transferimi që kërkohet të autorizohet nga Komisioneri përmban elementët e mëposhtëm:

1. Shteti ku do të realizohet transferimi: Delaware, SHBA;
2. Kategoria e subjekteve të të dhënave objekt i transferimit:
 - Punëmarrës;
3. Kategoria e të dhënave objekt transferimi:

- Të tjera: email-i i punës, emër, mbiemër;

4. Frekuenca e transferimit është:

- Periodikisht;

5. Lidhur me qëllimin i transferimit, deklarohet se: *“...Tirana Bank duke marrë parasysh rëndësinë e madhe që i kushton ndërgjegjësimin të sigurisë kibernetike si një shtyllë kyçe e mbrojtjes ndaj sulmeve kibernetike, dhe në kuadrin e benefiteve që ofron për punonjësit e saj, do të ofrojë një platformë të dedikuar trajnimit për sigurinë kibernetike... Në mënyrë që punonjësi të aksesojë këto kurse/module, nevojitet të krijojë llogarinë e përdoruesit të tij unik (user account) në platformë. Për krijimin e llogarisë së përdoruesit, nevojiten tre të dhëna personale të punonjësit: emri, mbiemri dhe adresa e postës elektronike (email) e punës”.*

6. Ndërkohë, në Rubrikën 7 të Formularit të Aplikimit, rrethanat lidhur me përpunimin e subjektit transferues, ka deklaruar: *“Ndërmjet Bankës së Tiranës dhe shoqërisë KnowBe4 Inc, është hartuar një marrëveshje bashkëpunimi, ku ndër të tjera përfshihen - Të drejtat dhe mbrojtja e të dhënave; Klauzola e Konfidencialitetit.*

Masat e sigurisë teknike dhe organizative të sigurisë së të dhënave - Mbrojtja e rrjetit; Mbrojtja e Klientit; Mbrojtja e sistemit dhe softuerit; Enkriptimi.

Përputhshmëria me Rregulloren Evropiane për Mbrojtjen e të Dhënave (GDPR) - Vlerësimi i ndikimit të përpunimit të të dhënave (DPIA); Auditim; Pajtueshmëria me GDPR”.

7. Në lidhje me Rubrikën 8, natyra e përpunimit dhe kohëzgjatja e tij, citohet se: *“Punonjës të përzgjedhur sipas planit të zhvillimit të tyre profesional do të kyçen në platformë për të marrë trajnimet që ofrohen nga kompania. Afati i kontratës është 1 vit”.*

8. Kohëzgjatja e ruajtjes së të dhënave, citojmë: *“Të dhënat personale të transferuara do të ruhen vetëm për kohëzgjatjen e kontratës së bashkëpunimit mes Tirana Bank dhe KnowBe4 Inc., jo më gjatë”.*

Në bazë të Vendimit nr. 01, datë 30.04.2025 të Komisionerit *“Për përcaktimin e shteteve që sigurojnë një nivel të mjaftueshëm të mbrojtjes së të dhënave personale”*, SHBA nuk përfshihet në listën e vendeve me nivel të mjaftueshëm të mbrojtjes së të dhënave.

Në zbatim të nenit 41 të Ligjit, në rastet kur mungon një vendim përshtatshmërie sipas nenit 40 të Ligjit, kontrolluesi *“Tirana Bank SHA”* duhet të marrë autorizim paraprak nga

Komisioneri, përpara kryerjes së transferimit të të dhënave personale drejt një vendi të tretë pa nivel të mjaftueshëm të mbrojtjes së të dhënave.

Për këtë qëllim, kontrolluesi përveç Formularit të Aplikimit për aprovimin e transferimit të të dhënave personale në një shtet që nuk ka nivel të mjaftueshëm të mbrojtjes së të dhënave, ka depozituar edhe një sërë dokumentesh në mbështetje të kërkesës së tij, për të legjitimuar transferimin ndërkombëtar të të dhënave personale në marrësin e sipërcituar dhe konkretisht:

1. Marrëveshje Kryesore e Abonimit midis Tirana Bank SHA dhe KnowBe4;
2. Shtojca A – Service Level Agreement;
3. Shtojca B – Kërkesat për Sigurinë e Informacionit;
4. Shtojca Për Përpunimin e të Dhënave;
5. Njoftim i Privatësisë;
6. Vlerësimi i Ndikimit në Privatësinë e të Dhënave KnowBe4;
7. Vështrim i Përgjithshëm në lidhje me masat teknike të sigurisë së aplikuar nga KnowBe4.

Në mbështetje të dokumentacionit të paraqitur nga Kontrolluesi dhe analizimit të përmbajtjes së tyre rezulton se ky transferim të dhënash personale është në përputhje me parimet e mbrojtjes së të dhënave personale, sipas akteve ndërkombëtare dhe vendase, dispozitat e Ligjit, si dhe me Udhëzimin nr. 41, datë 13.06.2014 të Komisionerit “*Për lejimin e disa kategorive të transferimeve ndërkombëtare të të dhënave personale në një shtet që nuk ka nivel të mjaftueshëm të mbrojtjes së të dhënave personale*”.

http://www.idp.al/images/Legjislacion/udhezime/udhezim_nr_42_date_22_korrik_2014.pdf

http://www.idp.al/images/Legjislacion/udhezime/udhezimi_nr_41_13062014.pdf

Sa më sipër, kërkesa për marrjen e autorizimit nga Komisioneri për transferimin e të dhënave personale nga kontrolluesi “*Tirana Bank SHA*”, plotëson kërkesat ligjore për t’u pajisur me Autorizim për transferimin e të dhënave personale të kërkuara.

PËR KËTO ARSYE:

Në mbështetje të nenit 41 dhe gërme “gj”, të pikës 1 të nenit 82 të Ligjit:

V E N D O S A :

1. Lejimin e transferimit ndërkombëtar të të dhënave personale nga kontrolluesi “*Tirana Bank SHA*”, duke përcaktuar si më poshtë:

Kontrolluesi “*Tirana Bank SHA*” lejohe të transferojë tek marrësi i të dhënave “*KnowBe4 Inc*”, i vendosur në SHBA, kategorinë e të dhënave personale “*Punëmarrës*”, si më poshtë:

- Të tjera: email-i i punës, emër, mbiemër

Të dhënat e cituara më sipër do të transferohen vetëm për qëllimin e deklaruar nga transferuesi në Formularin e Aplikimit për autorizim mbi transferimin e të dhënave personale, e cila ka të bëjë me *“Ofrimin e një platforme të dedikuar trajnimi për sigurinë kibernetike”*.

2. Të dhënat personale të lejuara për t’u transferuar (parashikuar në pikën 1), do të ruhen vetëm për kohëzgjatjen e kontratës së bashkëpunimit dhe jo më gjatë.
3. Kundër këtij vendimi mund të bëhet ankim në Gjykatën Administrative të Shkallës së Parë Tiranë, brenda 30 (tridhjetë) ditëve nga komunikimi i këtij vendimi.

Ky vendim u shpall sot më datë 27.10.2025

KOMISIONERI

Besnik Dervishi